



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Spongia Contradictionum Sive Genuinus sensus eorum  
locorum**

**Lindeborn, Jan**

**Antverpiæ, 1667**

Præloquium.

[urn:nbn:de:hbz:466:1-49090](#)



## P R A E L O Q U I U M.

**H**atale videtur, ut, quisquis exornandæ atque erudiendæ *Virginitati* calamum admoverit, æmulorum is sese obloquiis exponat, quasi hæc sola nunc debeat esse iuculta ac in honora cuius decori atque laudi totius Antiquitatis studium insudavit : vix ante septennium *R. P. Hermanni Busenbaumij* è Societate Jesu *Lilium inter Spinas* effluerat, quin acres earum puncturas mox senserit, nec omnibus *Lily* odor æquè ac *Casuum Medulla* gratus extitit. *Leonardus Lessius* inter Theologiæ Optimates numen celeberrimum, dum Familiam Virginalem illustrat, ad declinandam facti invidiam alienam personam iuduit, & sub umbrâ *Leoni*

PRÆLOQUIUM.

nis Hubertini latitare maluit ignotus quam  
Adversariis proscindendum nomen suum  
palam prostituere. Etiam D. Hieronymus,  
licet inter veteres Ecclesiæ Proceres, eos in-  
quam qui in Virginitatis Encomio & Disci-  
plina vi summa ingenii quasi de palma con-  
certarunt, primas gloriosâ victoriâ tulerit,  
ab obtrectatorum calumniis haud quaquam  
fuit immunis: lege inter alias *Epiſtolam* 7.  
quæ est ad Demetriadem & 50. quæ est apo-  
logetica ad Pammachium, & Virgineæ con-  
tinentiæ patrocinium ac magisterium ei ini-  
micitias atque obloquia peperisse invenies.

Neque benignius actum nobiscum post-  
quam anno superiori Tractatum de Virgi-  
nalis Instituti naturâ & officiis publicavi-  
mus: quod Opus licet quam plurimis ac-  
ceptum fuerit præcipue autem Virginum  
*Josephis*, non defuere tamen sed responso  
indigni qui lingua & prælo contumelioso  
laboribus nostris obstreperent, quique re-  
formatorias Antitheses etiamnum miniten-  
tur, sed quæ hactenus (licet in Januario pro-  
pediem promissæ) aut cum prælo aut cum  
veritate luctantur.

Ut autem pateat non propugnandæ Ve-  
ritatis amorem (quam nusquam læsimus)  
sed contradictionis affectum armare cala-  
mos

## PRÆLOQUIUM.

mos & linguas adversarias, brevi hoc Com-  
mentario ad importunam quorumdam in-  
stantiam placuit illustrare ea loca, quæ aut  
perperam intellecta aut à nobis non satis ex-  
plicata sequiori judicio, non nostro sed alieno  
vitio, occasionem suppeditarunt, & insimul  
ostendere in omnibus prope, quæ  
iniquâ censurâ Religiosorum gloriae detra-  
ctoria ab aliquibus judicantur, eos ipsos  
aut nos habuisse Duces aut habere suffra-  
gatores.

Hæc præmisisse ac cum D. Hieronymo  
præcit: *Epistola 50. ad Pammachium*, quæ  
est pro Libris Virgineis *adversus Jovinianum* apologetica, Lectorem admonuisse  
sufficiat: *Quando aliquid tibi asperum vide-  
tur in nostro Opusculo, non ad mea verba re-  
spicias, sed ad scripturam, unde mea tracta  
sunt verba.* Vix enim nisi alienâ linguâ lo-  
cuti sumus, nec egimus industrium novita-  
tis Magistrum, sed fidum *Antiquitatis Notarium* &  
docilem *Illmi. Rovenij Vicarij* nostri *Apostolici* ac Religiosorum Discipu-  
lum.

Sin autem alicubi à vulgata eorum opi-  
nione videar dissentaneus, nullum illud pia-  
culum existimo: cùm enim Theologica  
schola tanto sententiarum dissidio laboret,

A 3 ut

## PRÆLOQUIUM.

ut quod *Scotista* affirmat *Thomista* ut plurimum neget, nec alterutri passim cum suis adhæreat *Suarez* aut *Vasquez*, ac hi ipsi inter se summa contentione digradientur, in quum sanè, inter omnes illas controversias, in quibus sæpe cum aliorum periculo disputatur, ea sola, quæ *Monachismum* concernunt, tantum evidentiæ ac certitudinis sibi arrogare gradum, ut, quisquis in omnibus non subscriperit Religiosorum placitis, mox eorum judicio habeatur de hæresi, errore, aut odio suspectus & infamis: *sane ibi unusquisque in suo sensu securus abundat, ubi aut certæ rationi aut non contemnenda auctoritati, quod sentitur, non obviat.* Habet Epist. 77. alicubi *Mellifluus Bernardus.* Quicquid sit de tricis aliorum ego scripta mea *Ecclesie* (quæ est *Veritatis Magistra*) & omnium melius sentientium judicio ac correctioni humilimè subjicio.

SPON-